

3

LAVRETANA DOMVS AVLA COELESTIS ORATIO

AD EMINENTISSIMOS S.R.E. CARDINALES

In templo Salutatae Virgini sacro
COLLEGII ROMANI SOCIETATIS IESV

*Habita à Gulielmo Dondino Bonon.
eiusdem Societatis.*



THE
 OF THE
 IN THE

EMINENTISSIMO AC REVERENDISSIMO PRINCIPI
IOANNI BAPTISTAE
PALLOTTO
S.R.E. CARDINALI AMPLISSIMO.
Gulielmus Dondinus Fel.



*A*UREA Lauretana magnorum Principum parens in Tuo nomine prodis in lucem, Eminentiſſime Princeps, cuius auſpicjs in bono Vaticanae Purpuræ lumine primum apparuit. Debet Roma Tibi Lauretanae Virginis gloriam creſcentem quotidie magis, ut in Lauretano ſolo præſentia Teſti, in Romana Vrbe, memoria, obſequijs, amoribus viuat. Debet viciffim Roma Lauretanae Virgini virtutes Tuas (nam his præcipue donis Dei Mater ſolet ſui ſtudioſos remunerari) quarum theatrum ſuit, ac ſpectatrix Europa. Mirata eſt Luſitania religionem, integritatem, prudentiam, conſtantiam nec timidam offenſionum, nec auidam: cum Eccleſiæ iura mordicus defenderes, integra Principum beneuolentia; ea gentis approbatione, ut quaſi è cælo delapſum hominem venerata, diſceſſum Tuum lacrymis proſequereſtur. Mirata eſt Roma iuſtitiam in Tribunalibus, & Præſectura Urbis inconcuſſam potentiorum minis, gratiæ impenetrabilem, ſcopuloſa ſemitia ſed glorioſa, ad ſummos honores velificantiem. Ætate auctas, uſuque virtutes Germania complexa eſt, ubi ſingulare illud habuerunt, teſtem, & laudatorem Ferdinandum II. omnium gentium præconijs coronatum Cæſarem; cum Ferdinandus eſſet Tibi, Tu Ferdinando, populis uterque miraculum: quos præſcis Theodoſijs, & Ambroſijs coequatos hinc Roma, illinc Germania conſuliſſent. Purpuratum è Septentrione reuertentem Ferrarienſis Legatio excepit, quæ dum annonam Tuis laxat impenſis, dum collegia & litteratos viros ſuſtentat de Tuo, cū hereditariam faceres Cardinalis Patruſ celebrem munificentiam, Te patrimonio effuſo, diuſſimum gloria Romæ reddidiſti. Hic exempla virtutis in clariffima luce verſata inculcare ſuperſedeo; unum verecundia domiſi-

meſtica laudis non impedit , quò minus animo gratiſſimo prædicem , nos amori plurimum , iudicio debere plus Tuo . Cum enim in varijs legationibus , et muneribus intellexeris , ubique Societatem aliquid vi generi humano proſit eniti voce , ſcriptis , ſanguine , nos amas , et foues , tanquam miniſteria Chriſtiana Reip. ſalutaria . Ad extremum quid attinet , pro tot meritis augurari Tibi maxima , quæ iam tenes ? Nam ſumma conſequi fortuna eſt , et infra laudem æſtimatur : mereri virtutis , quæ ſua ſecum præmia trahit à gemino ibeatro mortalium , et cœlitum plauſus . Vale .



ORA-



ORATIO.



ENRICVM Magnum Gallo-
rum Regem accepimus, cum
Romani Pontificis potentiam
admirabundus attolleret dicere
solitum, Eminentissimi Principes,
inter cœtera quibus Christianæ reipublicæ
Moderatoris autoritas supra Regalem atque
Cæsaream emereret, illud in primis videri
suo iudicio mirabile, quod homines pro arbitratu
facile ad principatum eueheret, atque in
amplissimam Orbis terrarum scenam daret
purpura ornatos, ut gestum facerent ex æquo
cum Regibus. Nam quamuis Cæsares quoque,
Regesque fas habeant è cætu vulgari subducere,
quos libuerit, atque in proximo sibi rerum
humanarum vertice collocare, non tam splendidè
tamen neque tanta cum gloria victuros principes
legunt, quibus videlicet ipsi terrarum solum
potentes, cœlestem dignitatis fulgorem impertiri
non possint, neque tam crebrò qualecumque hoc
beneficiæ genus usurpant, ne regalis potentia &
ararium exhauriatur, vnde decedere necesse est
quidquid in plures Principes congerunt, ut
propterea in longæ vitæ curriculo paucos à
Regibus ad principale

B

falti.

fastigium elatos sit numerare . Verùm ex altera parte Põntifex Romanus terrarum potens, ac cœli, sæpe vna die atque hora, multa Purpuratorum paria edit in lucem, Principes ab omni dignitate florentes, terris iuxta, & syderibus venerandos, nulla potentia distradione; thesauri dispendio nullo, annuos redditus, ad sustentandam Eminentissimæ dignitatis fortunam Ecclesiæ arario suppeditante, quod immortale est, quia hominum morte suppletur, neque interire potest nisi æternum viuat genus humanum. Ita Vaticanæ Rector imperij, dum tam nullo negotio Principes creat, se vicarium probat illius cælestis Pontificis, per quem Reges regnant, qui suscitatur de pulvere egenum, ut sedeat cum Principibus in folio gloriæ. Quod si Pontificiam aulam perpetua Principum prole sælicem tanti iure merito summi mortalium Reges, & Cæsares faciunt, dabitis mihi veniam, Eminentissimi P.P. si hodierna luce, qua Nazarenæ domus in Italiam aduentum anniuersaria gratulatione celebramus, aulam illam cœlestem salutauero Pontificia aula infinitis partibus ampliorem, sæcundioremque magnorum Principum sobole; e cuius videlicet gremio triplici corona insignes Pontifices, diademati Reges, Imperatores laureati prodierint, tam grandi

di potentia communicata per eum, qui huius intra domus ambitum conceptus regale sacerdotium iniit carnis suæ Pontifex sempiternus, de cuius sanguine florens omnis Ecclesiæ militantis, ac triumphantis Purpura & pretium accersuit, & ornamentum.

Poetæ fabulantur Iouem illum suum in cœli margine confidentem vota mortalium excipere, atque ex duobus ingentibus vasis haurientem munera quæ demittat in terras, mixturam fortunæ facere, vt ad purum læta nō fluant, sed rerum prospera tristium interuentu temperentur. Quin sæpè irati animo indulgere nocitura poscentibus, numerosos parare gradus conscensuris, vt præcipitent altius, laureas necdere triumphales in cupressum migraturas, redonare salutem, vtilius languentibus, vt capita febri optandæ subducta laqueo referuentur aut ferro. Procul à Lauretanæ Virginis aula hæc liberalitas, aut decurtata nimis, aut donis funesta mortiferis, in exitium supplicum illa nō exoratur, quæ gaudet potius vel inuitos conseruare amanter difficilis, quam perniciofa largiendo, temere cupidos inimica facilitate peruertere. Primus occurrit è Lauretanæ Virginis aula missus in imperium magnum Petrus Card. Barbus Eugenij Quarti ex forore nepos, qui rerum
potitus

potitus Pauli II. nomen accepit. Extincto Pontifice Pio, cum summo honori maturior, quam plerique Purpuratorum, capacitate mentis, experientia, virtute Barbus haberetur, spei verò tantum quantum ceteri haberet, Romam, & comitia cogitabat, cum lue repente afflatus, quæ Anconæ multos mortales corripuerat, ferio cepit pro rebus summis nouissima formidare. Sed astus grauior cogitationum, quàm febris vrgebat inter ancipitia fluctuantem. Nam quid ageret? Subsisteret curandæ valetudini intentus? Interea loci comitia præteruolabant, quibus ipse si abesset, adhuc salutis incertus; spei cladem certissimam præuidebat. Iret morbo reluctante? sed iactationem exitiabilem canebant medici, metuendumque ne ad perniciem festinanti, spei & curarum terminus fieret pro Vaticano sepulcrum, vt non semel contingit. In hoc rerum articulo deprehensus Petrus, cui tardè conualescere instar mortis videretur, ad altiore opem, ad medentes alios confugiendum existimauit. Lauretum quindecim millia passuum ab Anconâ iter cum se deportari iussisset, eiectis arbitris in Dei parâ cellam inducitur. Hic humi fusus in preces mouente (vt assolet) in ea regia pietatis cor Virgine, rerum humanarum amore se exoluit,

om-

omnemque in Deum, & patronam amantissimam transfudit, cum ægri corporis atque animi angores, curas, spes, metus, vota, omnia in Virginis manu reponeret. O indulgentissima parentis bonitatem clientium suorum voluntatibus, usque ad delicias feruentem consultissima liberalitate! Quamdiu Petri animus ambitionis lue leuissimè affectus tenebatur, minùs idoneus videbatur, quam vt virginalis beneuolentiæ donis frueretur: vbi verò mens à corporis languore conualuit, dignus est visus quem summus honor incuriosum, & verecundantem ambiret. Quemadmodum Salomoni omnia bona cum sapientia obuenerunt, ita clienti suo cœli Regina cum bona mente, ad ditamenta duo pretiosa contulit vitam, & principatum. Ferunt quippe precibus insistentem somno correptum, visam in somnis Deiparam, incredibili decore, ac pulcritudine, in illo fulgore gemmarum, ac luminum radiantem: quæ Cardinalem agrum aspectu suauissimo, plus voce recrearet: bono esse animo iubens, sanitate in præsentia, propediem regali sacerdotio potiturum: alterum alterius vadem, & pignus fore, ideo conualescere, vt regnaret. Sub hac verba, cum somnus, visum, morbus Petrum deseruisset, quæ admiratio, quale gau-

C

dium,

dium, quam profusus in grates animus occupauit? quanta populi admurmuratio? quae aulicorum lætitia, cum Principem sospitem & valentem reciperent, quem pene funeratum Virgini obtulerant, cum lacrymas, quas dolor præparauerat, gaudium daret? Quid iam prædicem celeritatem mirabilem, qua Romam & conclaue Vaticanum ingressus in primis comitijs, in suffragatione prima Petrus Cardinalis Barbus Summus Pontifex renunciatur? Vt agnosceres suffragatricem occultam, sed gratiosissimam, illi beneuolentiam Orbis terræ Senatorum, & studia conciliasse. Certè tantam festinatæ electionis præcipientiam admiratus Card. Bessarion Collegij Princeps, de Purpuratorum Patrum consensu ordine vnumquemque interrogandum existimauit, num ea electio probaretur. Cum omnes ad vnum affirmassent, conuersus ad Petrum: Patres (inquit) te ad supremum orbis terræ solium vocant, & illorum ego nomine rursus Pontificem dico. Neque extra gloriam tuam fuerit ista Christianæ reipublicæ causa, per me repetita suffragatio, ne vlllo vnquam tempore suspicio incideret, electionem tuam plus habuisse impetus, quàm consilij. Nunc salubris hæc mora effecit, vt liqueret etiam il-

lum

lum impetum fuisse de cœlo. Hæc Bessarion
tanquam Principem faceret, ac ille se iam pri-
dem designatum Pontificem in aula Virginali
meminerat. Nami vnde tam prona Senato-
rum inclinatio in meritum quidem Principem,
sed plerisque ætate iuniorem, octo supra qua-
draginta annos non ampliùs natum? quàm
rarò auditum vt in primis comitijs omnia iusta
suffragia in electionem legitimam consenti-
rent? vt refrigescente impetu adhuc Patrum
consensio duraret, nec vnquam electi Principis
cœlo suatore pœniteret? vt denique Paulus
ipse Pontifex verbis iuxta factisque magnificus
tantum Deiparæ munus prædicatione gratissi-
ma testaretur? tum in operosa templi Laure-
tani fabrica, tum in litteris honorificentissimis,
quibus fauore Lauretanæ Virginis erga omne
genus humanum declarato de supremo capite
reticendum non putauit, ijs verbis, Et nos in
persona nostra experti sumus.

Liceret hic Paulo II. Cardinalem Cerui-
num Marcellum postea Secundum adiungere:
Eo sacris in æde Lauretana operante, colum-
bam eximij candoris cunctis admirantibus vi-
sam, modò caput Principis circumuolantem,
modo in ara, aut sacrificantis manibus quie-
scentem, denique non nisi diuina re peracta
cum

cum populo; tamquam è grège fidelium vna
videri vellet, abeuntem: post nunciatam, ve-
rò Iulij Tertij mortem, rursus ibidem litanti
Ceruino, Dei matrem Cœlitum circumfusam
globo apparuisse, futurum Summum Pontifi-
cem indicasse, eam rem Marcellum occultam
non habuisse exoratum à suis, qui commo-
tionem in vultu notauerant, quin publicis ta-
bulis, quæ adhuc extant, vota consignasse sus-
cepta pro amplificanda Lauretani templi &
vrbis gloria, nisi propera mors destinata præ-
clarissima peruertisset: verùm hæc libasse con-
tenti, nam & Marcellus ipse principatum de-
libauit, restitutam potius ante Marcelli & Pau-
li tempora Pio Secundo in Lauretana æde va-
letudinem narrandam suscepimus; vt appa-
reat non solum è virginali aula Pontifices desi-
gnatos Romam accedere coronandos, sed
ipso ex vrbe Romana Pontifices Lauretum
profectos, vt vitam gloriam dignitatemque
conseruarent. Pius II. religione sapientia reipu-
blicæ cura, inter clarissimos Pontifices nume-
randus, contra Turcarum tyrannum capta
Constantinopoli tumentem, in Mantuano
concilio rotam ferè Europam conciuerat elo-
quentia illa mirabili, qua cum de iisdem sapius
rebus, & peruulgatis diceret, tam splendida

fn.

sententiarum suppellectile orationem ornabat, ut semper rosas fundere, & aurum argentumque cudere videretur. Isto fœdere inter Pium, Venetam Rempublicam, & Burgundiæ Ducem, reliquo Christiano Orbe Pontificijs litteris ad societatem armorum euocato, iam magna vis militum cruce insignium Anconam confluerant, ibique Romanum Pontificem & Venetiarum Ducem cum classibus, ingentes commilitones expectabant. Sed Pio cum longè importuniore aduersario fuit decertandum, priusquàm legitimum hostem nancisceretur, cum feбри videlicet, quæ tussi molestissima fœderata, corpus senio, & laboribus fractum ita quassauerat, ut ne ad iter quidem, nedum ad bellum aspirare pateretur. Quid igitur Pius? damnata spe à medentibus ad virginalem Laureti aulam supplicem libellum non tam pro salute, quam pro belli copia mittendum censuit, fiducia tam mirabili, ut aureum calicem signis asperum, ac gemmis adornaret, voti uamque inscriptionem elegantissimam ipse dictaret, ante quàm voti reus, vota persoluens. Quantus Romani populi stupor, quando vi morbi remittente post votum, in purpuratorum Patrum concilio Pontifex sexagenarius militiæ suæ arcanum gran-

de vulgavit? quanta beneuolentia fama-
que fui animos audientium impleuit, cum bellicæ
profectionis rationes oratione magnifica ex-
posuisset? Iturum se, vt pudorem incuteret
Christianis Regibus, minueretque nimiam
vitæ ac deliciarum dulcedinem, cum aspice-
rent senis Pontificis maiestatem Christiana
pro republica itinerum, & præliorum aspera
non detrectare. Scire incertos casus peregrina-
tionis & belli Romam interclusuros fortas-
se reditum, ad cælum aditum non negatu-
ros. Quot annos ætati suæ ad tumultum iam
vergenti adijci posse? Hos deuouere reipu-
blicæ quam gloriosum? Si ad imitationem
se accingant Principes, operæ pretium futuram
salutem Christiani orbis, & communis hostis
exitium. Sin minus, hæsurum in republica
magnum exemplum, & si non suo, alteri sæ-
culo profuturum. Interesse omnis æui, vt
mandetur annalibus, Pium Pastorem generis
humani suscepto pro ouibus bello immori
voluisse. Vniuersam posteritatem magis vnius
Pontificis lethum, quàm multorum vitas ap-
probaturam. Exoratum à se Virginem, vt sa-
lutem pro Filij nomine pugnatura redonaret.
Se cælo bellum pro fide, mortem ignauæ
vitæ præponere. Deliberarent interim pur-
pu.

purati patres, virum confortes periculi, & gloria, an aliorum Principum desidia, ac dedecoris haberi mallent. Se illis non aliam necessitatem, quam exempli sui, & ruborem relictæ Principis imponere. Et imposuit sane. Quis enim in ipsis Pij II. commentarijs, quæ de rebus sui temporis exarata posteritati mandauit, velut in speculo non contemplatur, illos generosi spiritus Principes concentu pariter magnanimitati Pontificis respondentes. O Senatum Heroum ne dicam, an Cœlitum! Qui flens flentem inter dicendum Pontificem cum excepisset, exclamauit vniuersus: Tē sequemur Pater, neque deferemus, quò nos cumque duxeris, quando cœlesti passu ad immortalitatem vadis. At qui Pium huc vsque sustentauerat Lauretanæ Virginis fauor, tam grandia documenta humano generi præbentem, num iter ingressum cum Romanorum procerum, & Purpuratorum comitatu, spatio in medio dereliquit? An potius quo Laureto eo salutis quotidie reddidit propiorum? quo vberius auram vitalem sibi è Lauretano cœlo respirantem, eo longius reliquias febris importunissimæ abigentem? donec in aulam Virginalē morbo liber ingressus votiuus muneribus sospitam Diuam, in

con-

conspēctū Ducū & Principum, Principū pater,
& summus ducū Imperator adoraret. Ita
Pius II. in aula Lauretana, vitam recepit, vt exē-
plum relinqueret Pontificiæ charitatis, contra
fidei hostes pro Christianis populis animam
ponentis, Iulius II. ab eadem aula impetrauit,
vt mortis depelleret pericula, victorias, &
triumphos reportaret. Reuocate vobis in
mentem Pontificiæ ditionis illis temporibus
imaginem; quam confusa ciuilibus discordijs
esset, quam externis quassata bellis, quam
distracta & lacera per tyrannos: vbi verò Iu-
lius arma capiens cum Principatu, in augustis-
sima æde vota pro victoria nuncupauit, vt non
solum suas Ecclesiæ vrbes, vrbibus pacem re-
stituerit, verum etiam ambigua belli, & certa
vitæ discrimina propulsarit: Nisi fortè casu
non diuino consilio factum putatis, vt cum
expugnationem Mirandulanam, quæ à Duci-
bus trahebatur præsentia sua vrgeret, bom-
bardæ ictus prætorium in quo Pontifex Sena-
tum Purpuratorum habebat in castris ingenti
fragore deturbaret, eoque statim Lauretanam
Virginem inclamante, globus immanis inno-
xio lapsu Pontificis prouolueretur ad pedes;
quasi ad proximum Deo caput adorandum
viam tanto terrore, ac ruina quæsiisset, vt pro-
fi-

fligandorum vbique à Iulio hostium, & subiugandi Pontificio Imperio totius Orbis, omen grande figuraret. Quamobrem ferreâ illam rubigine obsitam pilam ante aram Lauretanæ Virginis pendentem pro trophæo, in illuminanda Deiparæ gloria concedere nihil crediderim tot aureis gemmeisque donarijs, & præsertim argenteæ immanis ponderis cruci, quam gratissimus Pontifex pro victoria cum triumphali carmine dedicauit.

At si Principes Sacerdotum ab aula Lauretana victricibus decorati palmis inclaruere, num indonatos abiisse putabimus magnos classium & exercituum Imperatores? An obliti sumus Naupactæam victoriam Aëtiacæ non imparem Lauretanæ Virgini fuisse attributam? tum à Pio V. Summo Pontifice, qui hora imminente fatali, qua Christiani orbis salus naualis alex certaminis committebatur, continentes in Deiparæ cella vigilias agi, supplicantium agmina induci, precum misceri conflictus, quibus Christiani cum cælo bellamus & vincimus, imperauit, tum à nostris Ducibus, militibus, Turcarumque mancipijs, quorum partem longè maximam cum signa canerent ad Laureti Presidem Diuam pro victoria vota fudisse constabat. Cum vincula ni-

mirum & compedes non retinerent pium
cursum fidelium animorum ad Virginem, ne-
que interfusum cum tempestatibus pelagus
retardaret. Nihil est igitur quod miremur, si
virginale classicum audientes venti, qui ha-
tenuus Turcarum classem lenibus flabris pro-
mouerant, ut in certamen & cladem induce-
rent, inita pugna statim reflantes palam Chri-
stiano nomini militare ceperunt, cum turbi-
nes hastas barbarorum infringerent, cum auræ
sagittarum vulnera non exciperent, cum fu-
mum bombardarum in oculos, tela in ora
hóstiū retorquerent, cum denique dorsum
maris tranquillum, eo usque porrigerent, do-
nec hoste casso ad satietatem, Turcarum ca-
daveribus supra triginta millia, centumque
amplius contractis nauibus, effusaque gaza
totius Orientis, in explebilem undarum vo-
raginem saturarent. Certè Ioannes Austria-
cus vniuersæ classis Imperator, & ingens illius
victoriæ momentum, media hyeme Laure-
tum ad soluenda vota non contenderet, at-
que ubi sanctissimi templi tholum aspexit,
aperto capite, eo imbrium cœlique rigore ire
non pergeret, nisi partam in prælio ad Echi-
nadas, Occidenti securitatem, Orienti terro-
rem, sibi gloriam immortalem Lauretanæ

Vir-

Virgini debere testaretur. An Marcus Antonius Columna Pontificiæ classis Præfectus, alterum Christianæ Reipublicæ fulcimentum, partem Lauretani itineris supplicis habitu confecisset, & aulam Virginalem prius quam Vaticanum de barbaris triumphare voluisset, nisi Romam Hispano, & Veneto fœderatam, consilium, classes, copias ad pugnandum; Lauretum, Diuos, ventos, animos ad vincendum, præbuisse fateretur. Quid Christiana mancipia? nonne aliquot millia post victoriam Lauretum profecta liberatricem suam inusitato, sed glorioso diadematis genere, catenis & compedibus coronarunt, cū instrumenta servitutis in monumenta donata à Virgine libertatis commutarent? Solemne fuit antiquissimo ævo, ut quibus in locis honestissima de hostibus victoria reportata esset, in ijs prospera virtute gesta reipublicæ monumenta statuerent marmoreas & aneas moles, aut ferream armorum congeriem cum inscriptionis honore Victoris titulos ad sempiternam memoriam propagaturæ. Ut quam longissimè trophæa se se in conspectum darent, eminebant in montium iugis, in camporum æquoribus fastigijs turrium sublimè pendebant, in mari, littoribus aut sco-

pu-

pulis affixa legebantur, fabularum nautis præterlabentibus argumentum. At postquam subactis nationibus Regibusque, Romani populi maiestas in tantum creuit, vt vnus vrbis theatrum par Orbi terræ censeretur, si qua externis in oris feliciter administrata bella, præclara hæc fortitudinis honestamenta deposcerent, nusquam trophæa libentiùs quam Romæ à Ducibus excitabantur, vt in excelsa illustrique mundi arce magnificentius collucerent. Hic forum & rostra Imperatorijs manubijs ornata, togatis quiritis bellica spectacula renouabant, figurati certaminibus & victorijs arcus, bellorum exuuia, truncis affixæ loricae, cum bucculis è fracta casside pendentibus, Mariana trophæa de marmore, Claudia è torquibus gemmatis, & Augusti gloriæ fluens aureus Nilus, inter columnas naua-
li ære surgentes. Tam splendidum morem, quo per generosâ sobolis laudes, Regina Urbium Roma triumphabat, sicut alia pleraque ætate inueteratum & extinctum reuocare videtur augustissima Deiparæ domus, dum passim spolijs barbarorum, captiuis armis, & perdomitis lunæ vexillis decoratur, dum catenas indices libertatis, ferreos globos innocentiam suam Reginæ cœlitum debentes, &
pe-

petitas perfossasque incassum Thracum sagittis loricas ostentat, dum aureas & argenteas præfert imagines fortissimorum Regum Ducumque victricia ora referentes, ut quantum virtutis ad illustrandas Christiani orbis partes abunde suffecit, tantum decorum in cœlestissima æde coalescens, auctori triumphorum Deo, Diuæque Parenti præfulgeret.

Sed quid ego vetera persequor, si trophæis abundamus recentibus atque viuis? En hoc tempore sub auspicijs virginalibus gloriosissimè militantem Venetam, rempublicam, ornamentum Europæ, fundatum in aquis terrarum, & urbium miraculum, alterum Italiæ oculum, & exemplum Romanæ libertatis; quæ cum Turcarum tyranno sextum iam annum bellum gerit, quantum impar amplitudine imperij, opibus, copiisque, tantum magnanimi Senatus, & militum virtute superior. Tenetis memoria, vix elapso proximè anno solemnia sacra Lauretanæ Virgini deuouisse, cum statim auditi Constantinopoli terræmotus, tumultus, cædes Principis, transitus rerum, barbari exercitus, & classes pestilentia, ferro, igne consumptæ. Quod si potentissimo Asiæ Regi, obsisteret solum repugnaretque, ea tamen mora inundantium in

Europam armorum , compressioque effer-
uescentis Orientis, in tanta inæqualitate po-
tentia, pro magno triumpho putaretur. Cum
verò violentissimo tyranno ita resistat, ut vi-
ctoria propior, quam cladi sit, cum vnius ia-
cturam vrbis abundè compensent expugna-
tæ in Dalmatia validissimæ arces, in Creta de-
pulsæ, fugati, occisione deleti oppugnantes
exercitus, in mari classes aut demersæ, aut
inflammatæ, profectò ubi magnificè prædica-
uerimus Venetos in hoc bello perfecisse,
quantum implere humana virtus potest, quid
quid supra est, id totum Lauretanæ Virgini ac-
ceptum referamus.

Iam verò si aulæ quondam Romanæ præ-
cipuum decus ferebatur Reges nationibus
dare, si aula Pontificia nō semel tantum maie-
statis vindicauit, cum Cæsares Occidenti red-
deret, & amplissimis regnis Reges impone-
ret, ab aula Lauretana non modò regnare
iussi sunt Reges, quod magnum, sed huma-
num est, sed commodata cum regno vita, &
spiritus Regibus, quod diuinum. Non vidi-
stis ex auro solido votiuū infantem gemmeis
insignitum coronis, Regis Galliarum, quem
viginti annorum preces extorferè, monu-
mentum planè Regale? Non audistis Ranu-

tium

tium Parmæ ac Placentiæ Ducem , & Maximilianum Bauariæ Electorem voti damnatos ob impetratam sobolem regnaturam ? Anno superiore venerati non sumus in altissima Septentrionis arce regnantem clarissimum Regem : qui paulò ante lethifero morbo pene confectus, cum ex proxima Laureto vrbe, ad aulam Virginalem regales misisset preces, & vitæ spem depositam recepit, & vitæ appendicem Poloniæ maximum regnum. Quis in extremis constitutus, Lauretana Virgine patrona, summa non speret ? Cum augustus ille Princeps mortis iam proximus de tumulo deligendo confuleretur, cum loculamentum expoliretur ad sepulturam, cum ad Regem Fratrem irent atrata litteræ conclamati spiritus nunciæ, in aula virginali gratiosum diploma salutis exarabatur, cæli Regina iussu Vaticana Romæ purpura tingeбatur, in patrio regno trabea Regalis cum sceptro, & diademate adornabatur ; vt qui priuatus obscurum tumultum, tenuisque funeris naniam non auditurus expectabat, mox in fulgentissimo Europæ folio, gratulantium Regum, venerantium populorum, supplicantium hostium legationes audiret.

Haftenus Auditores tiaras, diademata ;
laureas

laureas, aula Lauretanæ munificentiam enu-
meraui, vt auribus vulgi deferuirem, hono-
rum decora, quæ oculis vsurpantur, aciemque
muricis fulgore perstringunt, in magnis bonis
numerantis. Nam si ad Christianæ sapientiæ
lucem explorentur hæc munera, & cum per-
petuò mansuris Lauretanæ Virginis donis
conferantur, minuta, exilia, nulla, quia cadu-
ca videbuntur. Vbi nunc Pauli II. magnifi-
centia, & pompa? vbi Pij laboriosa gloria?
vbi Iulij victoriosa felicitas? Quorum cine-
res vix æuo nostro superstites, serior ætas suis
cum sepulchris absumet. Spatia verò tem-
porum quæ regnarunt, si modò computen-
tur, omnes Marcello sunt pares, cuius impe-
rium mensem non adæquauit. Sed neque
Superioris æui triumphales Duces fatalem
necessitatem vincere potuerunt, neque no-
stro sæculo dominantes potentissimi Reges,
quantumuis diuturni, æterni erunt, neque
hominum supra vulgus dignitate Eminentis-
simi Principes vulgarem ætatis, humanæ mo-
dum excedent. Quamobrem illa veriùs ma-
gni facienda munera existimo, quæ ab aula
Virginali pro salute immortalium animorum
conferuntur, criminum expiationes, expul-
siones vitiorum, incrementa virtutum, atque
his

his omnibus responsum velut imago voci
resonat, cœlestem gloriam. Siquidem nimio
plus est, animorum miriadas in lethalibus no-
xis confepultas, quotidiano Lauretanæ Vir-
ginis miraculo, ad vitam diuinæ gratiæ reuo-
cari, quam morbis, & morti eximi millia cor-
porum recasura. Multò præstat dissolui Dæ-
monum iugum, captiuitatemque vitiorum,
quam Turcarum tyrannidem à populorum
cervicibus propulsari. Longè diuinius bene-
ficij genus habetur, Regibus & Pontificibus
summis, qui cœlum alijs aperire dicuntur,
cœlum pandere, quam homines in principa-
le solium, aut Pontificium collocare. Nam
humana felicitas, quantumlibet intendatur,
vix eò crescit, vt miseriæ nomen amittat, sæ-
culorum spacia quam longissima, ad momen-
ta aternitatis non aspirant. Si ergo humana
dignitatis ornamenta specie fugaci oculis
blandientia contingat obtinere, cœlestes ci-
tra mendacium speciosos honores ab aula
Lauretana ambitione pijsissima deposcamus,
pro exarescentibus laureis, semper virentes
optemus, pro fragilibus Purpuris, incorruptas
& viuaces, non sumendas aut ponendas arbi-
trio popularis auræ secures, inuiolabiles fa-
scēs,

scēs, perennes consulatus, verè perpetuas
dictaturas, & coronas aternitatis gyro defini-
tas, si quid potest aternitatis ambitu circum-
scribi.

L. D. & B. V.



R O M AE,
STYPIE DOMINICI MANELPHII,

SVPERIORVM PERMISSV,

M. DC. L.